



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola XIII. Alexandri Papae II. Ad Evmdem.

urn:nbn:de:hbz:466:1-15625

ca canonice ad respondendum vocetur. Age modo debitum tenentes ordinem, & aduersariis tuis vocatorias literas dirigemus, & tibi tuæque ecclesiæ iustitiam exequi procul dubio pollicemur. Quapropter, quia (vt aiunt) nunquam consequimur victoriam nisi prius præcedat pugna, vt tuæ, sicut amantissimus sponfus & egregius patronus, ecclesiæ viriliter subuenias, & Romanæ per beatum Petrum, velut bonus filius, strenue adiuuando obedias, & vineæ Domini indefessus collaborator centenum fructum tempore messionis recipias, ad Synodum, Deo annuente, quintodecimo die post proximum pascha cum præsentia tuæ dilectione celebrandam, sanctitatem tuam venire desideramus, ac sancto Conuentui interfere apostolica auctoritate inuitamus. Ad hæc si dilectus filius noster Petrus sanctæ Romanæ ecclesiæ subdiaconus, & noster cancellarius, quem pro responsis ecclesiasticis vestrâs ad partes misimus, per vos transferit, ita erga eum se tua fraternitas habeat, vt quemadmodum nos diligit ostendat. Quod autem citius apicibus tuis non respondimus, non nobis, sed tui legati nimis deputes festinationi.

EPISTOLA XIII.
ALEXANDRI PAPÆ II.
AD EVMDEM.

Monet vt controuersiam quæ est inter clericos citra affectum componat. Significat comitibus esse scriptum, vt ecclesiæ læsæ satisfaciant, vel ad Synodum futuram Romæ compareant.

Alexander episcopus seruus seruorum Dei Geruasio Rhemensis archiepiscopo fratri carissimo salutem & apostolicam benedictionem.

Si sacerdotale, quod administramus, officium mentis integritate pensemus, sic nos cum filiis nostris indiuiduæ caritatis debet vnire concordia, vt sicut pares in nomine, ita affectu probemur in opere. Ideoque desideramus, vt quos diuersitas voluntatis ab alterutra dilectione facit esse diuisos, eos ad concordiam redeuntes caritas

faciat esse in gratia vnitos. Literas itaque sanctitatis vestrae suscipientes solita diligentia relegimus, in quibus continebatur controuersia quae inter vos & clericos vestros M. & A. vertitur, & damna quae M. & R. comites ecclesiae vestrae atque canonicis inferunt. Vnde ipse professus es te ante legatos nostros aut satisfaciendo corrigere, aut plenissime purgare. Quapropter dilectionem tuam intente hortamur, vt ante legatos nostros P. sanctae Romanae ecclesiae bibliothecarium, atque V. cardinalem presbyterum, si ipsi adesse potuerint, congregatis suffraganeis tuis, admissio etiam Laudunensi, cui instans negotium commiseramus, episcopo, ita aequitatis lance terminetur, vt neutra pars de iniustitia amplius causetur. Illi tamen, quia ad beatissimi Petri sacratissimum corpus venerunt, in quo totius Christianitatis est singulare refugium, sibi sentiant adesse praesidium, quo per nos non videamini moti ad iracundiam: quia si proximorum necessitatibus benigna mente compatimur, nostris procul dubio petitionibus clementem Dominum reperimus. Ita ergo, frater beatissime, stude, quatenus dum ad Synodum, ad quam pro adiutorio sanctae ecclesiae inuitatus es, Deo auxiliante veneris, de his expeditus, solummodo ad ecclesiastici negotii vaces consilium, & sanctae tuae vniuersali matri ecclesiae, vt prudentissimus consiliator, & fortissimus propugnator, contra hostes suos vltionis atque defensionis impendas auxilium. Comitibus autem illis, qui ecclesiae tuae aduersantur, iterum scripsimus, vt aut ante legatos nostros mala, quae ecclesiae tuae intulerunt, satisfacientes digne emendando corrigant, aut ad praefatam Synodum omni posthabita occasione, ad respondendum de obiectis veniant. Vbi si rebelles fuerint, quod iustum visum fuerit decernemus, & officium nostrum adimplere non omittemus. Praefatos autem legatos vestrae benignitati iterum commendamus, quos tamen a fraternitate tua honeste tractari non dubitamus.